

更生齋集

更生齋詩續集卷八

陽湖洪亮吉著

戊辰元日發筆

六十三翁鬢已皤十年且喜住林阿
心情敢向人前嬾
骨肉偏輸地下多
緘口怕經談虎市
謀身容理釣魚簑
青苔一色連■館不問門前長者過

人日寄唐通州仲冕

長沙仙吏最風流
遠宦今居東海頭
我亦江南老詞客
蜀州詩就寄通州

哀鴻聲裏滯鄉關
謫吏今年偶未閒
絕憶翠屏洲外路

半宵風雪上譙山

去年人日夜
半始抵焦山

長飢仍復值偏災人日茅堂未敢開不放袁安雪中死

洛陽賢令打門來

時刺史約修通
州志用戲及之

朱方伯勲招飲卽席用趙兵備翼韻奉贈一首并柬陳

司馬玉麟

一樹梅花訂古歡卅年高會續長安

方伯及座中陳司
馬皆三十年西安

舊交

紙窗竹屋連番雪玉宇瓊樓此夜寒客至最憐情

似舊春來已覺夢無端闌干影外雙紅袖白髮詩人耐

久看

司馬眷烏衣橋西王
校書曾徒步過訪

元夕與朱方伯陳司馬步月至橫舟亭

森然松竹間樓臺大地春光喜復回淡墨澗中魚欲出

粉紅牆外燕將來無邊麥隴關心久是處梅花記手栽
仍喜過年腰腳健暫同明月影徘徊

廉吏可爲不可爲二章爲楊州守奎賦

廉吏可爲千山萬山兮卒得脫歸

君以總督李侍堯案奉成新置後以作吏

有聲得赦回

楊園之道可以樂飢池館左右兮壽期頤噫吁

嘻廉吏可爲

廉吏不可爲廿年卅年兮窮至無所依厨無殮饗兮祭
無牲犧憂同范史雲樂無榮啟期羗臨命兮仍質衣噫
吁嘻廉吏不可爲

酬查文學雲桂兼柬袁秀才廷吉

查生年四十不厭臥蒿萊屬此憂時際先抒用世才夢

中零雪霰袖底激風雷吾儔真多士袁絲復後來

山房梅花下獨酌

幽蟾落未遲翠羽來何速先作滿溪紅未杼全樹綠輕
顰淺笑無不工朵朵豔入杯中春幡小把東風試隔
院綠珠尤絕世

時澹香堂綠萼亦盛開

初六日西廟偕縣侯放賑詩

朔日即雷雨

朝暉射堂皇四牖倏已開鶉衣百結人戶外先裘回朝
飢實難支聞賑肯後來所喜麥氣青原田亦毋毋郊圻
十里間菜甲先抽臺縱乏澗底薪已長門前苔虬松雖
髡鉗燕筍先胚胎庶幾三日霖更震百里雷平原春氣
蘇餘事觀桃梅

十日

十日心期滯雨暘
半宵纔喜放春光
愁中碧月催人老
身外浮雲笑我忙
已覺壯懷消酒陣
不妨餘力付詞場
旁人漫詫才名艷
尙愧無雙江夏黃

謂黃二景仁

登太平寺浮圖

薄醉閒來倚石幢
佛樓深處酒兵降
花光裏塔紅三面
燕翦穿簾紫一雙
十字港中容小刹
七層欄外見空江
尤憐腳底房櫓好
竹裏孤僧拓半窗

花朝日偕陳司馬玉鄰自紅梅閣至橫舟亭訪花
五風十雨陰晴徧如夢
春郊綠成片
小紅樓外客吹簫
千點梅花雜飛霰
經時措意門前柳
一半關心梁上燕

迤東早詣梅花觀斜北仍開水仙殿東坡去後七百年
空有石池名洗研無端寒暖分晴雨天外明霞飛電
江梅花後放山桃樓閣亭亭變成多緣客意忙如許
激得春波去如箭粉紅牆堞露鴉巢綠窗紗出人面
無嫌卅載光陰促與司馬別卅年矣難得百花生日譙桃花米
比球琳貴柳葉魚同蔬素賤出門烏舅景將斜入饌龍
孫津欲嚙花前百匝猶難捨桑下三周恐生戀須眉未
變僧驚詫要腳轉輕人健羨明朝準擬文杏開快意先
爲塞鴻餞

十六日同人洗硯池雅集

三度郊行未厭遲兩重門外漾晴絲閒繡天際烏雲帖

小坐蘇家洗硯池

危亭三面受風徐萼綠華來尙步虛

時綠梅尙未謝

占得春波

碧三寸柳絲如線綰遊魚

屋角薔薇已半開梅枝零落點蒼苔所思尙在斜陽外
胡蝶入門人不來

重陰漠漠霧漫漫睡起繩牀未厭寒偏是春魂有分界
遊仙夢不上蒲團

漕河春半語聲喧西上征帆東逝川一晌呼晴復呼雨
鶉鴒巢外月輪圓

任他新柳鬥腰身人影衣香罩麴塵正好水明樓外路
冥濛一樹轉烏春

贈紅梅閣道士徐浣梧

柏檜形何峭青牛古觀前萬梅成幻影一鶴下眞仙畫

本方離手琴囊恰及肩

道士能彈琴及詩畫

京華話疇昔我亦直

三天

道士曾入直光明殿

杏花

十日池塘草色鮮牆頭屋角一枝妍春人未醒月初墮

燕子乍來花欲仙根節自零苔蘚兩陰晴難定鵲鳩天

慈恩舊事吾能識錦樣風光接禁煙

奉酬陳學博石麟山陰

學署至府山相去僅數武飲我信天巢惟君成地主三

江閘外桃花村紅艷欲斷春人魂欲來不來春已改來

看白荷花照海

桃花

怨綠愁紅正此時東風作意漾晴絲夢醒時灑鶉鴂雨
態倦欲扶楊柳枝情味一生如中酒韶光三月欲敲詩
誰知樓閣冥濛內別有春人病不支

詠海棠

西壁有紅色殊非夕照光好春餘而月空谷炫晴妝獨
立豈無意先時亦斷腸出牆花數朶猶是壓羣芳

雨後作

雨光青處斜陽黃襯得小桃紅滿牆小桃才開又將落
頂上雨聲如落雹闌干十二春融融夜漏欲盡聞疎鐘

東坡全集卷之八
五
曙光不紅花片紅明日步履香東風

天上老鴉歌

天上老鴉飛出海樹上老鴉啼不改直須天上老鴉紅
照徹樹樹鴉巢空天上老鴉纔一隻地上老鴉鋪地黑
林鴉却把天鴉看汝倘不觸熱我亦休啼寒君不見直
待天上老鴉西沉不東出地上老鴉聲始絕

春分日久坐卷施閣

小閣經時坐陰晴百徧呈電虹分夜色花鳥定春情夢
覺金烏墮窗疏玉李明何須更開卷奇思已縱橫

春日放歌

日采入地花光浮天二十八宿飛金錢紅闌干前玉兔

眠一日十二時玉兔眠已足如何火珠盤又見赤烏浴
赤烏浴處天雞鳴天放一日花朝晴緋桃赤烏相間紅
玉兔玉李光凌空西王母向天公借欲使萬花長照夜
百花生日百艸芳欲以何物酬東皇羣仙商畧貢異香
壓盡人世迷迭兼都梁九點烟外九縷浮青光

春分前二日至前橋上冢

一歲三回謁墓田老年筋力尙如前童孫幼子都依隴
翠柏蒼松漸障天十字路邊停蠟屐七層塔外聳吟肩
尤欣天半雲霞好化作春林桃李煙

寄汪司馬端光廣西

九載南行感逝川無端海外又驚傳蠻江忽報沉文考

東坡先生集卷八
木
遠道誰能及武緣到處新詩千首富別來涼月百回圓
雲谿春水迢迢綠何日重遊書畫船

耕牛

平田一頃事春耕滿背淋淋瀉雨聲脚下馬蝗頭上鵲
尾稍仍有鵲鵲鳴

牧羊

漫把蘆笙漫著鞭牧童行處草芊芊菜花黃外春波綠
日暖青羊抱子眠

山雲連日

山雲連日護妝樓鏡影全將綠樹收一晌捲簾看曉色
桃花紅上玉人頭

曲廊深戶罩年光夢境嫌無昔日狂日午小眠眠易醒
游絲拖雨上匡牀

手種白桃花今已盛開感而有作

種桃人已老忍復看名葩豔到春無影宵疑月欲華偶
然呈素質莫更認空花幽意誰相省殘梅隔絳紗

時瓶
中綠

梅尚未
盡落

紅白桃花下飲酒

我家紅白桃種向桂林北今歲始盛開
緋紅間純白一枝界北牆一枝垂南檐
亦如鵝頭女兩小無猜嫌枝頭垂遊絲
枝下生綠葉倘非房廊深險與人面接白
者待明月紅者酣斜陽恍如日月九墮此
紅白旁一枝須一

夏生齋詩集卷八 七
杯一樹須一斗東皇驚我老花下搔白首

又詠桃一律

花白者藥微黑

黑藥都應出劫灰結根偏倚綠莓苔前身東國梗猶泛
舊主西王母不來人世未嘗知帝漢懷人仍欲入天台
花遲未是超凡種天上露桃先已開

新霽

一望迥無邊三更簾幕前花魂全抱月波影半含煙閣
暗飛山鵲瓶寒落水仙詩人風味好清切此孤眠

殘月

殘月原非暗羣星本太明偶然金虎見頓使燭龍驚墮
雪春無影奔雲夜有聲憑誰泛槎去先此問君平

送友人至錫山讀書

挂帆直至寺門前，精舍東西樂靜便。
鬼語暗嗔人小立，燈花紅笑客孤眠。
萬竿竹伴參禪侶，九子山成負郭田。
他日草堂成捷徑，莫將簪笏傲雲煙。

雙峯書屋海棠歌卽贈莊上舍關和

一株花染一院紅，四十載上搖東風。
看花人老已非昨，花榦尙復矜春容。
池堦忽憶初栽日，花與客皆長八尺。
論交半世貌已殊，花面轉紅人鬢白。
君不見鄰西櫻桃花，輪爾對鏡勻鉛華。
又不見牆東木瓜樹，遜爾凌波欲微步。
一花開處一蝶攢，胡蝶久已飛成團。
珊瑚作架瑪瑙盤，復作塞外焉支看。
時榮時瘁那可相，訪却值春

陰時千花照徑不須燭樓閣上下光參差幾年門閉春

風裏花裏書堂亦將徙看花轉憶花下翁腸斷鄭家通

德里

四十年前曾與秀水鄭先生虎文燕賞其下今先生下世已久後嗣亦頗不振

過花南竹北山房有懷莊刺史所

客近凡幾度主尚未歸來竹已侵書案池空築釣臺慢

虛藏凍雀磚裂迸春雷他日朋簪盍都應昵酒杯

讀鬼谷子

乾封縣左嵩

口鬼谷先生本烏有飛鉗捭闔誰所爲

蘇秦此時方下帷書名始著隋唐錄我意尙非蘇季作

文辭卑婉似六朝所以兩漢無傳鈔談天說地爭奇詭

戰國時人半仙鬼十三篇義尙可詳大九州說非荒唐

上巳

禊日卽今朝嚴寒尙未消上梯泥滑滑攀樹雨瀟瀟
鴉黑黏松頂蜂黃蟄柳腰鄰西玉桃好花雨亦驚飄

雨坐

鴉咒雨鳩喚晴雨脚外桃花明雲叢叢向東走
羣飛升月銜斗

初四日

朝霞紅豔處萬樹濕光飛凍雀棲花幌潛鱗曝釣磯
何應成令序渾不稱單衣隔歲山門洞風光已迥非

去歲三月

三日在甯國山門洞

雨夜卷施閣獨坐

萬家門盡掩空霧占乾坤是處無行跡千花有淚痕墨
光團粉鏡銀蠟照吟魂一卷參寥集空教滯酒樽
寒食卽事

紙鳶聲裏日初長無數遊絲礙眼光一徑綠先迷去路
萬花紅欲奪朝陽新巢紫燕依然客別路斑驕爾許忙
偏是春人惜春去上樓愁換袂衣裳

清明卽事

如何一萬株楊柳總在人家屋瓦邊曉夢尙隨雲黯淡
春衫都鬥燕踟躕幾多野水欲爭地無數紙鳶思上天
誰識東皇有深意不教紫陌便飛綿

獨坐待蔣氏昆仲

坐來春氣已氤氲却展蓬扉待此君洗硯草心霑墨雨
入欄花面似紅裙仙遊屢被雙成誤幻夢偏勞百和熏
宋莫小樓人不見忽從鏡裏望生雲

寄兒子飴孫兼柬劉嗣綰陸繼輅孝廉

幾年頻北望一月水西流畢竟春官第誰符越國謳土

云水西流則里中必有登上第者丹黃雲欲染青綠樹俱浮畫出清明

景村村喚雨鳩

十二日卽事

正是傷春夢雨天小池荷葉已田田人間別有崔徽宅
不種榆錢種荇錢

入門剛欲數疎星忽地輕雷隱畫屏何止月殘歸路黑

百花樓外雨濛冥

十七日復邀同人檣舟亭小集時梨花繡毬盛放

欲雨不雨梨花天欲晴不晴桃李煙游絲入房柳拂地
日午始起春人眠檣舟亭前一樽酒花面看人人識否
千枝空白搖東風斜陽壓花花粉紅成團繡毬學雲皴
花朵障天天若繡上樓青綠已塞門不放紅紫銷人魂
花前未及千回走何以朱顏忽成叟尋春縱晚興益濃
不遣綠酒樽中空趙生達者意亦顛十日九醉春風前
君不見春風送客花千片更喜團欒月當面

十八日卽事

名園先已逼春城繡陌垂垂細草生樓下百花樓上月

不妨梁燕話三更

幾度簾前學賭茶那知春事已如麻牡丹芍藥均無色
牆角新開姊妹花

將抵江陰先柬黃大令鶴

殘春景物最和柔乘興聊爲百里遊千古此江稱海汊

使君從政自風流花封似轄東西縣

君現攝江陰又奏調常熟二縣實咫尺

雲氣先排十二樓且向琴堂話疇昔挂帆仍欲詣通

州

十六日武廟偕新縣宰馬紹援放賑卽呈縣宰

飢民厭長飢日日詣官府爲歛萬錢衆拯茲一方苦清

晨廟門闢十十兼五五僧有香火緣官眞粥飯主軍營

武堪懾胥吏文不侮

放賑日例邀軍營官以備彈壓

災黎所餘資兼以

分卹戶宰官新政肅觀者植如堵所欣原麥茂藉以代
秋黍日午官長歸輿前頌聲普

黃大令鶴招集古梅今雨山房雅讌

琴堂深處枕書眠小憩紅橋綠沼邊榆莢亂飄荷樣小
使君清到不名錢

古梅今雨山房好却倚山城北堞樓莫道小池纔一曲
門前江海已雙流

花花葉葉滿疎汀宛轉橋西結一亭深水不知鶩用力
撇波雙足幾曾停

賦得花面同人面爲友人作

花面同人面含嬌十五時比肩窺曉鏡並影入春池豔
覺林禽詫愁應海燕知雙文近多病意見轉參差
花面同人面偷窺碧月圓錯疑三婦豔新訂一宵緣指
瘦琴心識睂愁鏡曲傳願隨花與月齊上五湖船

黃大令掃徑圖

長身如崔來何遲松下得閒停少時掃除一室匪細務
一世事業基於茲愛松兼學松身瘦更縛松枝作長帚
砌下先堆彭澤花門前合種先生柳折腰主人情益厚
爲我花前置樽酒酒酣忽憶舊頭銜我亦三天掃花叟
又題梅塢遲月圖

月遲遲星皎皎一樹梅花凍香少主人不來來必早遲

月遲花遲舊好舊好如落葉占斷東西溝新知如繁星
來此河漢流舊交語新知相識何參差主人不言有所
思立盡雪月交輝時

閉門索句圖爲陳茂才增賦

今人立門外古人立門裏今人見卽忤古人見卽喜古
人束之不使出一室唐朱元明聚訟不得歇今人拒之
不使入一任扶牆摸壁三更五更門外立不學秦少游
揮毫對客句未遒亦不學陳后山一旬二旬常閉關有
時避客掩戶臥北斗七星牀上墮忽然奇光異采發四
鄰雙眼瞪如圓月大天龍時時下窺棟雷公電母雨師
風伯瞬息亦隨踵往往搜奇人毛孔偶然好句落筆頭

奇鬼來攫聲如牛神荼鬱壘攔不得就近欲使天公愁
直須飛梯百尺繩百盤牆外擲與遊人看世人見之伏
地不能起任爾壓張燕公蘇許公韓潮州柳柳州王楊
盧駱李杜高岑及王李從此千門萬戶曲廊深室一一
悉洞開一任天神地祇日月星斗以迄一世隨時隨地
相往來

大風上君山絕頂望孤山偕黃大令崔陳茂才增同賦
平田千步行始完百步沙磔升巔巔巔對面一山出
似欲飛渡來江干孤山壁立截江住欲挽滄溟向西注
却怪金焦兩點山樓臺松竹皆東顧江南江北界已分
狼山福山成海門飛帆我欲至東海喚起碧月圓如盆

陳生怪底詩思狂
薺菜百頃山前黃
無雙江夏推黃郎
與我煮茗談斜陽
山前直下坡陀底
簞簟聲催入城裏
我獨推蓬望遠山
馬駝沙上孤煙起

黃泥菴

偶訪黃泥寺偏多
白足僧水波圍四
面松竹立三層獨
鳥巢低覆乖龍氣
上蒸夕陽猶未下
已有塔頭燈

將抵通州先柬唐州守仲冕

斗大山城入望中
遠書猶喜得時通
折殘岸柳三春綠
來看搏桑初日紅
未必塞鴻知北事
時有北人附舟且同檣燕
話東風明晨擬上
狼山望論世方知
眼界空

泊舟淺港候潮

到來雲氣已濛濛
忽遞狼山脚下鐘
怪雨入廊驅鳥雀
惡波浮岸孕魚龍
離家餐飯加三勺
入海樓船落半篷
天末故人知健在
料應遲客到高春

海上明月歌

東海明月黃西海明月白
明月色總同海水分五色
天河清淺魚浪遲
欲吸海水成天池
月裏浸此扶疎枝
金仙玉兔照影常多時
月光蓋地不蓋天
月色暗處浮青煙
轉藉北斗光天邊
麻姑不上天
月姊不出月
桑田滄海祇有長爪知
月姊止憶鴻濛纔
啟日日月合璧星聯
珠雙丸五曜天上會
合須天符亦如織女
作配牽牛夫一歲一
會亘古期不殊
君不見夏后羿投鼠
先忌器彎

弓思射月先恐玉兔斃是以九日射落一月浮青霄握
矢不敢發投弓每號咷縱怨月姊不敢讐天公百計刻
薄祇使弦上弦下缺月彎如弓東王公西王母一老翁
一老姥蓬萊占得千萬年不遣蟠桃會上羣仙得常預
雷公飛電母馳呼風伯勅雨師問以天上事一一皆不
知天神界限一閒不得達乘風飄忽將何之游行一世
問欺此民蚩蚩有時肩聳欲直上被此天門仙尉各各
加鞭笞縱然仰丹霄不得叩玉墀蒼蒼冥冥以上別有
主者司金童玉女會晤終無時我欲大笑三十六洞羣
仙癡

舟行

行盡江邊歷海邊
濛濛細草欲生煙
舵樓夢醒忽西望
十里小桃紅潑天

李家港陸行至雲台山

幾點星光門日華
乘車無異泛浮槎
半程路欲快朝飽
一海水驚翻夜叉
蟬螻赤占今夜雨
醺靡黃綻昔年花
文園病渴新來甚
可許先嘗穀雨茶

遇焦山僧有懷朱方伯勳兼柬陳司馬玉麟

二君並約同至焦山

避暑

花時同約訪禪關
閣上采寥六曲欄
殘月光猶吞大海
故人夢已占深山
浮蹤未比春雲幻
閱世誰如老雀閒
莫被西湖強留住
却教游屐與闌珊

內河阻雨

上車天乍晴下舫天乍雨天公眞愛客不使濕芒屨蓬
窗兀坐睡思生卽景閒適詩皆成雨聲蕭蕭泥漉漉初
聽吳娃北江曲更製吳歌教娃讀

唐州守仲冕以九月八日初度因繪滿城風雨近重陽

卷子索題爲賦四絕句

君少余七歲余生日較君先五日

七年君比樂天小五日我慙履揆先猶憶綱師園外路

君初識余曾招集吳門綱師園

對牀風雨已多年

繪圖君記九月九訪客我來三月三欲趁殘春更修禊

接天海水正拖藍

時三月廿三日

催租不敢到琴堂索句憑君踞隱囊管下詩人須料理

莫教赤幘入江鄉

江波轉處是柴桑
送酒人來亦渺茫
一片秋聲城上墜
欲從畫裏過重陽

通州書院呈張侍讀燾

先生開講席
海上有詩壇
夢裏餘青嶂

指敬亭山

門前生紫

瀾
蠹魚三世業
呖蛤六時餐
難弟歸何晚
長安住較難

謂令弟
徵君炯

三月廿三日通州偕張侍讀燾趙署守懷玉陸上舍鏞

遊王氏園亭

何處林亭得靜便
清郎別墅泮宮前
園花作意思迎客
埜雀修翎欲上天
閣小未妨排燕壘
池寬先已占螺田

半生良會真無幾一醉高齋又兩年

甯國府署高齋落成與侍讀醉飲其

上今又二年矣

天甯寺禪房久憩

竹徑行完筍屐香得閒仍集贊公房案頭一塔支天久

門外三江入海忙掃壁未妨留草聖

壁多王孝廉元昆墨蹟

門茶

先欲酌花皇

時牡丹半已開

誰憐千佛名經好講舍西鄰選佛

場

寺與書院咫尺牆上多黏諸生甲乙榜

廿四日自通州南門至狼山道中作

嫩晴時節出南關逸興先將風雨刪萬樹梨花欲吞海

十年螺蛤竟成山閒中舊夢仍迢遞天外孤雲與往還

尤喜近郊墟落好小橋流水自成灣

登狼山

山形如石帆跨海欲東出江潮攔不住倖有海門扼江
波揉綠滄溟黃天外一髮通扶桑金烏玉兔飛走何太
忙似訝石腹藏天狼石石欲上天石石悉離地馬鞍山
脈接此山似向胷前出長臂昔居東海中今立長江頭
蜃樓海市倏忽不及見夜夜吠蛤喧山陬欲砌山南途
卽采山北石磴道盤空出山脊君不見山形萬似塔百
尺海上巨鼇支不得何況浮雲本無力不然天風拔起
瞬息不得停飛作大海南頭化人宅

伏魔道院看牡丹

世外神仙窟人間富貴花豔疑垂螭竦紅欲奪袈裟瓮

貯殘冬雪圃收穀雨茶山人齊問訊驚我鬢初華

白衣禪院贈惟一上人

七十三年過枯僧最解禪面疑瓜乍削心與月同圓食
仿無遮會居真不繫船更無經世意獨酌在山泉

支雲塔觀海

雲亦能支塔先看塔下雲百盤飛磴峻五色采霞薰海
結雷霆陣江浮鵝鶴軍天南青一髮黃欲入斜曛

護生菴

及至門前看山奇樹亦奇須眉皆嵌骨腹背僅存皮杜
甫鄰堪結楊朱路已岐欲歸歸及早飛雨出疎籬

老人峯歌

門前老人峯端正視東海鴻濛迷今日頭鬢白難改一
條石脊如雲奔似欲出江趨海門麻姑畢竟近世人祇
見東海三揚塵君不見潮生潮落何時斷此石不曾離
海岸地闢天開親眼看東海塵揚已無算

護生菴古槐歌

拔地三十尺腰已將升天忽然復下垂低俯墻及肩潛
虬枯渴思飲泉頭角下瞰澄潭邊滿身苔蘚作鱗甲跨
下好花紅欲然東西一曲復一直拔地倚天神有力分
枝不宿今世禽挺幹猶涵古時雪或者三天虹下伴虛
堂僧枝梢時死復時活夜半來剔長明燈心空骨冷經
年載閱盡枯僧幾人在終當挾此墻堵飛激電奔雲走

東海

車螯

異種纍纍出海邊
嶺山東去接螺田
品應野客唇同俊
味與西施舌鬥鮮
徵族自居殘膾上
持螯偏在落花前
銀鱗玉骨無消息
此味居然壓客筵

唐州守潮平風正圖

狼山與福山江海此門戶
風便半日程揚帆卽飛渡
來

從早潮去晚潮來
往帆脚時申腰

吳諺云千搖萬搖不及蓬脚申腰

蘆

花萬頃不生浪
風力靜與蒲帆調
先生久宦江南北
早

與江神作相識
吳娃雙槳去若飛
不向江心候風色
我

從譙公山時望東海頭
桃花盡處見一州
龍氣時與雲

光浮君家南岳山前好八百里湖生樹杪夢中歸路爾
許長一角楚天青欲曉

如皋道中

日午籃輿走雉皋暖風初見漾魚苗
鴛鴦聲裏楊花糝過盡紅闌十二橋

平岡高下草芊緜矮屋疎籬並及肩
一晌東風謝披拂倒吹麥浪上青天

靖江斜橋鎮外一路沿新開河入城
卽東朱方伯勲爲

方伯居里
時初開

一出斜橋鎮春流雜水泥村同萬人聚岸抵一成坯
兩岸積土甚高皆濬新雨綠生沼野花紅滿堤朱公種魚處
河時所堆也

遠勝習家池

落花

碎紫零紅逐逝川十分開後已難全何如但學風中絮
化作浮萍箇箇圓

二十七日抵江陰牡丹正開時黃大令已詣白門哲兄
明經杰張燈宴我花下喜而有作

夙約看花到下旬片帆飛渡及茲辰左江右海地畱客
十雨五風天饑春欲護好憑雲作障乍飄已覺月虧輪
休嫌老去情懷減秉燭偏能學古人

偶成

前身天上星再世水中萍柳絮原來好三生業已經

廿番風信後百卉事如麻繡出三春景都應讓菜花

繡毬

名園春盡始齊開葉葉枝枝費翦裁千縷繡成銀界畫
百花圍作玉樓臺記從粉蝶爲鄰久欲向明蟾照影來
貪與詠詩人白戰露涼風細久徘徊

憶家中牡丹作

夢裏晴紅恐未真遄歸剛喜及芳辰竟攜東海團圓月
來照南樓綺妮春富貴偶然呈幻影池臺著意與傳神
尤欣一陣簾纖雨花避驕陽客洗塵

抵家日牡丹僅有紅紫數朶

不許尋常風雨侵別裁錦幕護深深裝成一尺春風面

費盡千秋作者心豔極更須名紫玉貴來欲與鑄黃金
雲堦月地春如海好爲花時惜寸陰

三月晦日牡丹尙開招同孫封翁勳以下作餞春介壽
之筵率賦一篇邀同人共作

并小引

時封翁年八十陳大令賓蔣少府廷耀年七十劉宮
贊種之年六十九趙上舍丙年六十四朱方伯勳瞿
兵備曾輯年皆近五十惟大令以事不至賓主共七
人

七人四百四十歲上自八旬逮五旬高會固應追九老

此花剛喜殿三春家因近海魚同嗜

是日徧羅海鮮

交到忘年

酒共醇只有潁川期未至德星聚處少茲人

近園看藤花

朝曦偏稱酒顏酡小築真同安樂窠雙樹影纏雙紫緞
一叢花襯一青荷池臺入午團成錦鶯燕喧春織若梭
尤喜藥欄消息近蒲蘆應復點晴波

新綠

南樓一望渺無邊葉乍新鮮花乍蕙草樹數層纔過雨
水天一色欲生煙青光迢遞穿林隙碧玉玲瓏照座前
欲買韶光與誰計榆錢飄盡又荷錢

題蔣同年純裕遺照卽當輓章

江南本水鄉此縣卽淵藪三江五湖內復有四河口君
家門前交四河紅闌綠樹生微波銀桃金栗香滿柯君

於此時先發科君生七十年松亦一千尺朵間習靜門
不開松下曾無一相識我初締君叔亦復交君朋謂孫
君時讀書松樹根惜未一詣君之門君言生世偶然耳
可生卽生死卽死知君明悟絕等倫不佛不仙成處士
冊年不出依所親一出已死無爲軍君就養令嗣無君
心戀松松戀君魂兮歸來松頂矚君不見君顏雖孱身
則壽疾病支離竟成叟哭君仍欲向河瀕四水交流鳴
咽久

廿二日曙

兩株楊柳倚門栽拂曙班駘踏露來朝日射窗人始臥
夢中紅藥忽齊開

一重門掩一桃符六曲闌邊有藥爐病起自憐餘瘦骨
故泥金粉寫麻姑

立夏

立夏鱗魚入饌來仍須夏至有楊梅時新節物催人老
又見池蓮小暑開

管上舍遺珍瞻帖圖

古言遺腹子夢不到家公形影雖難倣神明本自通艱
危憐母共孤露與兄同

君從兄漕督
幹珍亦少孤

無限傷心淚高山

入望中

舟行平望值雨

乍漏朝陽影難平風伯顛如何一谿雨祇濕萬家煙檐

瀑斜穿屋雷聲遠在田遐瞻較清切平望寺門前
泊舟訪翁秀才廣平

展殘書卷復哦詩正是平林飯熟時却卸牛帆成小泊
三家村裏訪經師

越桑歌

越中人家十萬桑遠勝宛洛千倉箱持梯上屋取遠揚
桑下十畝蔬花黃采桑歸來蠶已育一女飼蠶嫌不足
與蠶同餐復同宿一男耕種一女絲阿母不復勞晨炊
十日門戶先支持采桑日日來平疇不識駿馬知羸牛
羸牛尙堪耕駿馬祇出遊蠶行作繭菜作油繭既不上
身油亦不上頭飼蠶甫罷局收樓任爾門外迎龍舟君

不見苧蘿村裏多奇色近解齊家昔傾國早與西施洗
羞澀又不見東鄰有女西鄰謗南家女長婚北家但令
織素不浣紗何礙越女顏如花

四月十八日展放半賑卽呈縣宰馬紹援

青黃不接時竭力展半賑朝四而暮三狙公恐生愠所
欣期會日麥隴早蘇潤荆襄和米集稍覺舒困頓丁多
生計拙頻致賢宰問殷勤簿籍慮或有牽濶哀多益
寡中輿情覺甯順濛濛時雨細雲復布朝陣屈指鼓腹
期當于月之閏

今歲閏五月

道中見有收大麥者喜而有作

小麥葉尙青大麥葉已黃相距止二旬二麥咸登場天

公仁愛心欲潤飢渴腸黔婁本貧家所苦不自量隨人
捐粟絲已反缺餽糧置身賑局中自顧轉不遑油衫及
乾衣兼此備雨陽飢黎氣將蘇客子反別鄉徑買一葉
舟連宵走蘇杭

春船

春船買柔桑夏船買新絲亦如子母錢相離不多時草
枯可作螢桑柔可生繭無知化有知倏忽形已變螢火
照簡編代此秋士燭蠶桑作羅綺以抵春女服乞火不
入鄰家坊假衣不到鄰女房人言造化奇莫測我覺天
公巧無敵他時天上牽牛星耕盡世間阡與陌

抵西子湖

昨歲元宵節先尋西子湖今來攜畫舫均已換桃符六
曲花光暗三郊麥氣蘇天公眞解意晴色上浮圖

自松木場步行至德生菴

愛客祗有湖頭山十里迎客來新關滯人只有湖上灘
一灘沮淺復一灣我嘗居湖頭已熟湖頭客此遊問我
何太遲燕子桃花屢相憶君不見冬禾盡殺草亦刪欲
出苦被飢民攔此回頗喜春波拓小麥平疇已將熟新
紅不看看新綠飽啖櫻桃到湖曲

湖堤曉行

一片光明錦裁成西子湖嗅花嫌蛺蝶亂筍厭茭蒲白
木詩人舫青縑道士符最憐佳節近角黍滿筵鋪

題楊公子夔生樊桐山館吟稿

偶然排五指已現五丁山花鳥方裁句雷霆猛斂關畧
嫌方寸悴不使片時閑欲浸詩魂潤西湖水一彎

理安寺方丈際風乞題其開山祖師通問所立條約長

卷後

通問于明崇禎四年親書條約
入國初順治四年方示寂

箬菴龍池僧

俗家宜興

來主虎林刹虎林六大寺惟此極軒

豁盤盤松萬仞石徑窮一髮禪牀方入定天柱忽然折

屋頭飛海水地軸亦崩裂惟應長明燈不隨劫火滅畱

茲心上偈殊異口頭訣應真凡五百一一就戒律何況

粥飯僧不值棒相喝一百六十年空門代傳七猶能餘

墨瀟點畫出波磔際風方外友畱客楊先拂云君詩冷

重截若一方鐵乞題三百字永與鐘鼎埒我觀空中花
四照亦四徹百年會一瞬捷比電光掣塵揚東海處久
已種麻葛吾儕達觀久眼若箕斗濶惟頌過代僧不禮
三世佛

自西湖至理安寺道中雜詩十四首卽呈際風方丈

出門一片漾湖光破曙先欣草木香却到理安剛十里
石泉聲裏挂朝陽

約伴東頭去采茶便粧先已洗鉛華桑麻影外樓臺好
轉勝沿湖十里花

南北高峯氣尙冥渚花黃已過前汀雨光上嶺雨聲下
襯得水樓東面青

勺藥荼蘼已歛芳
滿林新綠透疎香
蘇堤半里荷如蓋
已有菱花綴小黃

雷峯巾子峯頭塔
不仗人工仗化工
繡得土花纔幾級
門晴門雨水光中

茅菴時復露繩牀
草路微濛有濕光
浸得下弦殘月滿
水花水鳥共方塘

荒祠廢壘門空花
莫更頻誇雨露華
畱得故侯墳豆好

薦新合配上林瓜

俗名王墳豆

兩年頻復訪僧扃
南北岡灣展屢停
一晌寺樓風色峭
松濤聲已刮南屏

衣香葉葉罩山泉
礙襪偏多紫杜鵑
何似老僧衣壞色

百花叢裏證枯禪

新筍棱棱欲劈門不知誰可具盤飧何如且趁雷聲去
濕菌先搜古樹根

一春將盡事如麻采罷桑柔又采茶指爪不閒頭尙綰
髻邊隨意插新花

酒市新移五柳邊食單偏逐歲時遷何如宋嫂魚羹好
占斷西湖六百年

日午湖頭樹影圓東西簫鼓溢晴川歸風却挂蒲帆峭
只有雲林盞飯船

湖船皆不使帆惟
雲林盞飯船有之

三月堤成錦繡場桃花楊柳逐時忙水仙王廟知何處
空裏思焚一瓣香

靈芬山館圖爲郭文學磨賦

客中我識先生人不識家鄰太湖口移家仍復傍太湖
萬頃靈淥當曾鋪鏡中時展日月燭腕底似綰蛟龍符
畫師不復施輕粉破屋三間竹千本簾間助校插架書
中有玉人舒玉筍都緣帳後影延回却惹案頭人瘦損
門前一派何潺潺銷夏移前灣隔湖雲朵不敢上
奇氣壓倒支硯山先生詩名溢寥廓只惜無錢買金谷
但使時飄蚱蜢舟何須定占麒麟閣合并且喜傍黃壚
巾子峯前酒百壺却憶靈芬仙館裏有人明日換桃符

時端五

節近

鳳墅讀書圖爲梁公子

賦

訪友曾來履道坊阿威風度最安詳湖山世業張功甫
宰相門材李贊皇但使蔣家三徑闢何妨陸氏一莊荒
余爲山舟先生門下門生披圖清夢居然落十二奇峯門鳳凰
山有排衙石十二最奇

聞張大令吉安五十初度書此代柬

幾年我別神仙宰不識神仙僅五旬一縣洞天兼福地
半生循吏作詩人東吳百里思前約西蜀三張步後塵
君在京邸時與遂甯三張並名我望琴堂爲稱慶長官勤政小民醇
新筍

老僧方穩臥驚筍出匡牀幸是肘間出不然胷次傷預
應畱隙地免使礙新篁日昨聞雷處魚苗爾許長

訪小顓僧靜室見甫葺屋戲贈一首

傾完百杯酒破盡三間屋屋瓦欲打頭酒魂方瑟縮移
錢葺屋酒已賒門前日日催酒家明晨出門僧不管欲
準酒錢輸屋券

秋江載月圖爲巖上舍元照侍姬香修賦

秋江潮已平高閣夢初醒秋江潮欲落羅衾已嫌薄道
是采菱辰濃秋勝好春願將浮月艇來載浣紗人浣沙
生世居東越慧質固應塵劫出修到花香已歷時花香
又復修成月姬一名秋月修月何須定月圓下弦弓比上弦
懸銀河清淺思前度金粟分明證宿緣盈盈一片秋江
碧羅襪欲淩淩不得偶值桐江把釣人渾疑碧漢乘槎

客茗溪水入霅溪流比目魚來看上頭欲繫小桃三月
艇好管燕子一層樓一層樓上三生路猛憶前生後生
誤大曲屏開花氣深五銖衣薄香煙互福慧雙修孰可
如不呼碧玉定明珠半慙睂宇蜂思趁小極腰肢柳欲
扶誰家怨鳥成相識何處橫塘定堪憶行徧雕闌十二
重斷腸花比銷魂色夫壻儂家絕可憐九能名在楚宮
篇因緣天上人同住消受人間福幾年

湯指揮桓自山陰載酒來招飲湖上率贈一篇

蘇公堤畔傾于盞賀老湖頭到幾時如此溪山供縱眺
別來風月寄相思才人佐幕羅昭諫儒者知兵韋左司
天放嫩晴須痛飲水仙祠外柳如絲

贈范文學棠

范生吟五字妙欲出意匠不作時世粧釵環古時樣才
雖越流輩蹤跡苦播蕩十首投贈詩廣陵真絕唱

前歲在揚

州生投贈詩十
章詞極高古

室女薛月璘銘辭

薛月璘名娟錢塘人吾友郭磨之義女也年十七未
字卒郭君哀之爲覓地于葛嶺之麓張孝女冢旁葬
焉嘉慶十三年四月念八也屬爲之銘曰

拳松勺水瘞此穉玉厝舍萬椽骨白同哭我我雙姝義
嫗於孝新土一坏幽局二妙

西湖龍舟篇

一龍戲水復一龍雙龍忽飛明鏡中旌飄蟠螭繖翻電
天外夕陽無此紅湖心亭北平湖口襯得三層水楊柳
一棹驚看竄萬魚龍頭龍尾回旋久平堤日昃生北風
簫鼓響入南高峯排衙十石似起立趁勢欲瞰湖龍宮
水仙祠卽龍居殿夜半光明偶然見水中龍謁岸頭龍
白酒黃雞日三薦天中節屆日午時萬艇如蟻波中馳
盡排團扇欲招玉手卻怕涼風吹平湖一片燈光墮
水底神龍敢安臥只有堤南宋玉居時宋孝廉咸熙寓表忠觀以居憂嘗
閉戶三更幽夢何曾被湖山勝處築一樓日日采譙排
不出
樓頭風流祭酒吳錫麟老從事項州邀客盡日湖頭遊回
思競渡喧闐處第一好山名互父一晌鄉園入夢來白

雲溪上喧端五

梁侍講同書以重赴鹿鳴詩見示時蒙恩新加學士銜
率書四章奉賀

一週重復赴賓筵綠髮青瞳玉齒堅漫說阿婆將九子

轉疑王母會羣仙重尋筍綬心應懶乍插宮花興欲顛

我亦禮闈逢盛事記蒙元老說齊年

庚戌登第值嵇文
恭重赴恩榮講與

一榜進士認
先後同年

林下居然五十春菰蘆夢每憶楓宸朝端久已無前輩

座上誰堪作替人九日乍斟新釀酒 三天仍念舊詞

臣西清諸老皆銷歇聞苑真難步後塵

朱文正紀文達
皆與公同年並

予一二年
前辭世

門外時停使者驂歸田重荷

主恩覃頭銜已領端明殿手筆仍追老學庵歲月既閒
超物表湖山如畫接江南尤欣偕老人無恙對誦楞嚴
佛一龕

問字車從巷口停門生門下眼蒙青人誇學士先多士

我覺晨星卽壽星早其七賢垂信史

公自注云康熙丁卯周大相甲午萬

承式一西趙世玉雍正癸卯陳克鏞已酉

吳嗣富乾隆丙辰馮浩戊午顧光凡七人不妨千佛冠

名經昇平人瑞真難及佇見簪花宴

大廷

公以壬申成進士再

五年又當重赴恩榮宴矣

酬許兵部宗彥

玉局祠旁尺五亭

前歲正月二十日在蘇公祠訂交

訂交前度憶西泠

才名第一方三拜樸學無雙許五經海外書同典墳古

指君近日所刊書

屋頭山接道場青

君湖州人寄居錢唐

明朝一棹西湖

水天放新晴酒半醒

五月朔日同人集望湖樓看雨聯句

失卻一湖渌惟存南山尖霧露雨雜飛

亮吉

天水雲相

黏遠波偃荷蓋

楊芳燦

峭壁掀松髯選勝得小閣

郭慶

瞰虛倚層檐汀鳬沒黥黥

趙晉甫

堤柳搖廉纖鈴荻出

暗艇

楊夢孫

酒苧飄溼帘當門萬綠罨

顧翰

鋪紙雙紅

鈴要鑿混沌竅

亮吉

欲挾謨觴并干霄句嶢崢

芳燦

託

波辭安恬濤瀾卷鴻筆

廖

虹電揮鷺縑灑胃滌夙壅

晉

西

決背蘇沉疴襍襍薛荔衣

夢孫

羈歷篴筭簾筭香厭

新醪翰鮮美漬苦鹽涎垂青頭雞亮吉手斫巨口鮎婆

娑長尾勺芳燦迷迭矮足奩觴急無緩送麀薜熟留餘

燿蘋風拂席起晉面竹翠八座添會聚各羈旅夔孫疏

放無猜嫌遊興誰最豪翰酒戶吾能兼墨屎籠長衛亮

吉殿屎憂窮間安得佛光現方燦畧放旭景遲時長吏

竺丙丁帖從寫麀王癸符可掃潭鏡鑄水魄晉面瀑練

飛霜夔孫莫愁屐折齒夔孫卻厭車垂幘蒲塘喚雙槳翰

蠹簡帖百籤險破唐述膽亮吉快逐姬喁噉危峯辭霞

坼芳燦麀積塢歸雲淹遠勢極了了麀小言謾詹詹煙崔

叫蒼暝晉面沙蛤蛭涼澌防潦修擢對夔孫榮星禱屏

黔相期三五夜叩舡泛明蟾

臨平舟次夢入南樓感賦二首

閒扉如月啟東風

余幼隨太夫人居外家南樓惟臘盡始回中河橋舊居度歲春正則又至

南樓

十載從親住此中夢裏杏花樓上月依然來到枕

邊紅

紙鳶寒食放牆頭竹馬元宵竟出遊樂事此生誰第一

五龍旋處漾千秋

余九齡時雲溪競渡最盛有龍舟五秋千船一

將抵嘉興先柬李太守賡云

日日山青對鳳皇宛央湖上又端陽堆盤角黍依然滿

下瀨戈船爾許忙已覺客程忘日永欲從官閣話宵涼

郊原一片昇平景桑柘青青麥隴黃

訪查比部世倏聞郎君新及第率贈二篇

兩處漁莊入畫圖西湖住久復死湖攔門喜事真壘壘
進士箋題道士符

字寫泥金刷絳紗京卿門第又清華

時小阮特旨以四品京堂卽補

窗前一樹紅榴艷此是郎君及第花

早發長安壩

東西湖水湊岸迴欲如浮曉色分魚尾晴光出草頭地
低飛獨鳥天濶人扁舟百里風帆峭應知抵秀州

端五日月上始抵虎邱競渡正喧喜而有作

初三乍有光端五月纔黃波沸千家宅雲迷七里塘羽

觴隨地集角黍到門香又與西湖昇游蹤趁夜涼

杭州門禁

甚嚴將莫湖上已絕游人若虎邱則又以夜作日不至四鼓不止

虎邱樓四面龍舸闕三層圓轉身如織空明眼若燈雲霞光乍斂粉黛氣偏蒸待得歸舟盡天東日已升

吳門龍舟篇

兩龍銜尾來南濠一龍寬處仍打招北濠龍首復高揭意欲同趁三條橋大官讌客天中節斟酌橋邊五龍出綠浪紅闌爾許長錦標時向波心奪孫武祠連白傅祠憑空水馬忽飛馳半程汗灑薔薇雨兩岸晴飛楊柳絲空中錦繖排如茵船尾船頭接仍緊翠葆霓旌夾岸陳中間空不容飛隼冶坊濱亦無尋處錦繡堆成虎邱路後艇前船距不多蜻蜓舟復東西渡金閨兒女嬌無匹日肝梳頭出城闕長袖都熏第一香修眉盡仿初三月

團扇如雲障夕陽更牽錦幕護羅裳青酸梅子消微渴
紅艷榴花助晚粧人龍傳喚初齊集新月斜陽已相及
一晌驚逢意外人船頭人向船窗掛晏公祠外雲溪頭
歲歉忽爾無龍舟龍舟盡向客中看明午又約梁溪遊
更番簫鼓更番笛夜半人行尙如織祇覺忙趨七里塘
都應閒卻千人石

無錫城東看龍舟

時友人貽陳忠裕公集

貝闕瓊樓結束工最憐一棹去怔忡閒繙臥子先生集始
覺人龍勝水龍

初八夜偕朱方伯勸陳司馬玉鄰步月至元豐橋聽歌

久憩有懷莊州守

折

暨令子司馬達吉

時適得州守札

趁涼行百步卻復倚危橋古巷冥濛月高樓宛轉簫聲

憐吾鄒彥離似阿龍超

莊司馬小字洵龍

欲寄相思意更闌數

麗譙

絕塞烏頭白陽關柳眼舒我行三萬里君寄兩番書間

巷推張陸心期比范朱雲谿谿畔水待子意何如

余在伊犁

三月凡兩得州守書

喜雨詩和朱方伯勳

天公儻雨粟多恐不滿斛天公儻雨金高或不至尋何

如三日三夕霖雨下雨粟雨金無此價南頭方伯心何

仁詩成喜雨來打門君不見酒兵明日欲齊舉不賞龍

舟賞龍雨

又五月五日雨中至雲溪久憩

百道犇流急爭趨紅板橋乍開金屋鎖已有玉人簫高
柳溪風聚叢祠燭影搖又經蒲艾節愁聽雨瀟瀟

雲谿龍舟篇

白雲溪水清如許忽換祥風及甘雨一萬人家稅麥租
帆檣盡向溪頭舉麥舟已過龍舟來五月五日窗齊開
新晴乍展波中月宿雨初圓樹上梅東紅橋接西金谷
春水居然十分拓雙槳爭飛燕子舟三椽聊賃鴛鴦閣
蔣通守玉子于吳門買妾欲于閣上合樹樹銀花問燭龍更無人處火榴
紅晨妝競炫齊三服逸客誰誇楚雨龔龔上舍大投暨小阮刺史濟美
並善於音樂闌干宛轉飛胡蝶迎徧桃根與桃葉一片笙歌

天上來四邊燈火雲頭接水馬吳門騎不如波離層疊

入窗舒管弦別奏春坊曲

劉贊善存子家曲部最精

鰕菜新開方伯

廚

謂朱方伯晉階

晏公祠外將殘月所喜朝霞已先出鴻鵠偏

迎畫舫飛楊梅半解文園渴豐年已變凶年苦閏歲仍

逢閏端五海霧難迷西蠡河江鮮屢送春申浦西湖看

罷死湖再更有石湖弦管碎何意頻開蒲艾觴鄉園樂

事依然在我住雲溪五十年昇平嘉節記猶全杏花仙

館疑眸處癸甲樓臺子午船

余八九歲時爲癸酉甲戌趙大令思勤余王母弟也

所居擅雲溪之勝五日前後每于文昌閣外別結絲樓

選名部奏樂至今人猶憶之稍長則壬午戊子二年競渡亦極盛

廖布衣希聖攜秦淮舟至白雲溪看競渡因邀入水榭

小集卽席賦贈

滿川簫鼓滿川風天上船來春水中自恐白雲顏色淡

柁樓斜挂美人虹

時卽將此舟返歌者頃刻而至

飛帆日昨下吳頭月滿先爲清夜遊誰說老夫情味減
渾如杜牧在揚州

十七日雲溪水榭和友人作

曉霞日昨被溪頭三日甘霖始解憂畢竟歲荒民戶歎
六龍城僅一龍舟

新晴無復有街塵一曲驚波兩岸人若把鄉園比吳郡
白雲尖是冶坊濱

衫裳五色凭爛斑不遣閑干一晌閒惹得水禽啼徹夜

四更燈火在雲灣

繡被全堆越鄂君捲簾都有異香熏如今水榭皆溪北

謂蔣魏
諸家壓倒灣南舊浣雲

看罷西湖與石湖韶光得似此間無他時我欲賤風土
添入雲溪五日圖

舊遊處處悉關心絕憶中郎爨後琴多謝畫樓雙語燕
幾番憐我鬢絲侵

寓感

夢多仍入少年場短短疏籬曲曲塘腸斷百花樓已圯
更從何地著花王

百合花殘會轉希將離仍是影依依一雙紅淚一雙燕

同向小樓深處飛

更生齋詩續集卷八終

曾孫用勲校刊